



**Aningaasaqarnermut Akileraartarnermullu  
Naalakkersuisoq**

**Ulloq:** 2. december 2024  
**J.nr.:** 01.31.06/24-01108

**Aningaasaqarnermut Akileraartarnermullu Ataatsimiititaliap tallimangornermi  
ulloq 29. november 2024-mi aalajangiineranik Naalakkersuisunut ilisimatitsineq.**

**Great Greenlandimut tunisisarnermut aningaasaleeqqinneq. Ataatsimiititaliap suliaa  
nr. 01.31.06/24-01108.**

”Naalakkersuisut **inassutigaa**,

Aningaasanut inatsimmi konto 67.03.04 Puisit amiinik tunisinermi aningaasaliissutit  
3.000.000 koruuninik ilaneqassasut.

Aningaasanut inatsimmi konto 67.03.05 Takornarianut sullisiviit nunatsinnilu takor-  
nariagassani aningaasaliissutit 3.000.000 koruuninik ilanngarneqassasut.

**Aningaasaqarnermut Ataatsimiititaliap oqaaseqaatai apeqqutaalu**

Ataatsimiititaliap Naalakkersuisut inassuteqaataat akueraat peqatigitillugulu Naalakkersuisut  
kaammattuutigalugu aningaasaliissutit eqquutsinneqartarnissaat qularnaarniarlugu pisaria-  
qartunik iliuuseqaqqullugit imaluunniit atuinerusoqarsinnaanissaata paasinarsinerani ilassu-  
titut aningaasaliissuteqartoqarnissaanik qinnuteqaammik nassiussaqaartaqqullugit. Naalakker-  
suisup akisussaasuusup pissutsit taamaannerat septembarimili ilisimalereersimasariaqaralu-  
araa ataatsimiititaliap maluginiarpaa.

Ataatsimiititaliap peqatigitillugu missingersuusiormut malittarisassani 2008-meersuni  
ilassutitut aningaasaliissutinik qinnuteqaatit pillugit oqaasertaliussat tulluuttut Naalakkersui-  
sunut malugeqqussavai:

*”Siumoortumik aningaasaliinertaqanngisumik aningaasartuuteqartoqarsinnaanngilaq.  
Iliuusissap ingerlanneqarnissaanut aningaasanut inatsimmi imaluunniit inatsimmi  
tunngavissaqanngippat iliuusissap ingerlanneqarnissaa sioqqullugu aninga-  
asaliinissamut tunngavissaq taamaattumik pissarsiariniarneqassaaq. Taamaattumik  
ukiumi aningaasaliiffiusup naanerani aningaasaleeqqittoqarnissaanik qinnute-  
qartoqarniassanngilaq, missingersuutitigut qaangiinissaq pinngitsoor-  
neqarsinnaanngitsoq erseqqippat. Missingersuutitigut qaangiinissamut pissutaasoq  
akerlianik nunatta karsiata naatsorsuutaani naatsorsuutitigut nassuiaatini  
nassuiarneqassaaq.”*

Naggataatigut ataatsimiititaliap Naalakkersuisunut kaammattuutigissavaa missingersuutitut ilanngussat ilassutitut aningaasaliissuteqartoqarnissaanik qinnuteqaatinut atatillugu ataatsimiititaliamut nassiunneqartartut pitsaassusiisa qularnaarneqartarnerat pitsa-  
anerulerseqqullugu. Ataatsimiititaliap tamatumunnga atatillugu missingersuusiornermut malittarisassani 2008-meersuni tamanna pillugu ilitsersuut innersuussutigissavaa.

**Aningaasaqarnermut Ataatsimiititaliap aalajangenera**

Qulaani allassimasutut oqaaseqaateqarluni ataatsimiititaliap Naalakkersuisut inassuteqaataat akuerivai.

Inussiarnersumik inuulluaqqusillunga



Peter Olsen

Aningaasaqarnermut Akileraartarnermullu Ataatsimiititaliap siulittaasua